

1479

C O D I C E S

1480

statur *Jöcherus* in *Lex. Eruditt.* Et reipsa *Matthaeum* excipiunt fol. 137. *Notae in coeteros Evangelistas e Biblijs Dn. D. Danielis Heinrici p. m. excerptae*, in quibus Vir doctus non raro catholicos etiam Scriptores excitat, praemissisque ad singula *Evangelia Prolegomenis Capita versuum ordine pervadit.*

III. fol. 280. *Rationes pro et contra matrimonium Eunuchi.* Ita inscripta est *Farrago Judiciorum et Sententiarum lat. et germ.* de duplice casu matrimoniali, uno nobilis *Sueci in Pomerania*, altero *Hominis catholici Itali Dresdae*, quorum uterque *Eunuchus*, *Virgini scienti volenti conjunctorum. Judicia haec sunt Facultatum Theolog. Lipsiensis, Regiomontanae, Argentoratensis, Jenensis, Gryphiswaldensis, et Ministerii Luneburgensis*, partimque ejusmodi Matrimonia rescindunt, partim rata habent. *Admixtae sunt etiam horum Judiciorum refutationes, praeципue acris contra Regiomontanum adprobans, cuius autorem Adversarius adpellat D. Christ. Dreierum virum alioqui non optimae inter Suos famae. Acta et ventilata sunt haec intra annos 1666—69.*

IV. fol. 412. *Theologi cujusdam Lutherani Idea vel Yποτυπος pleni Systematis Theologici*, duobus *Libris* constans, quorum prior inscribitur: *De Praecognitis Theologicis*, alter brevem ipsius Theologiae delineationem continet. Materia admodum uber est, magnusque Autorum numerus indicatur, et quidem, quod Scriptu-

rae Interpretes adtinet, Catholici Protestantibus mixti. L. II. Se^g. 1. c. 23. *Religio Papistica dicitur multiplicis varietatis: Thomistica, Lombardica, Monastica, Intermistica, Jesuitica*, quod sane Catholicos ipsos latebat. *Capitibus subsequis agitur etiam de Religione recentium Græcorum, Anabaptistica, Schwenckfeldica, Calviniana, Photiniana, Weigeliana et Fanatica*, quae dividitur in *Weigelianos, Fratres Roseæ crucis, Stifelianos et Mevistas*. Ad initium *Libri II. margini adscriptum habes: 27. Junii Anno 1624. Autoris nomen tamen nuspam reperi, unde nec dicere possim, an haec Idea typis unquam commissa fuerit.*

DCXXXVII.

*Codex chartaceus germ. Sec. E. 8 XVII. Pagg. 255. 4. per duas columnas exaratus, et a Leibnitio missus ad Eugenium Sabaudicum de Abusibus in Ministerio ecclesiastico Protestantium vigentibus tractat, inscriptus: Spiegel der Missbräuche beym heutigen Predig-Ampf. In Monito praevio dicitur Gryphiswaldiae noctu aedibus adfixus fuisse. Autor, qui se Verbi Ministrum Zelo Dei actum (*einen Gottes eifferigen Prediger*) adpellat in Titulo, multas et varias obtestationes, preces, minas ad varios Hominum ordines praemittit, quibus Scripto suo pondus, lectoresque conciliare nititur. Tributum est illud in XXIII. Articulos, videlicet: De Vocazione ad Ministerium.*

Wien, Österreichische Nationalbibliothek (ÖNB), Cod. 11692

1481

P O L E M I C I

1482

sterium. De Modo praedicandi. De usu testimoniorum e sacris Literis. De Universitatibus Scientiarum. De Promotionibus Academicis. De Disputationibus contentiosis. De Bello. De Litibus forensibus. De interiore Schola s. Spiritus. De ejusdem revelatione et illustratione interna. De Justificatione et imputatione meritorum Christi. De unione cum Christo. De ortu et efficacia verae Fidei. De Regeneratione. De Poenitentia. De Abnegatione sui et imitatione Christi. De cultu et Ecclesia exteriore. Quod plurimi Pastores tantum exteriora doceant. Quod plurimi personas accipiant, et ventris caussa adulentur. De s. Coena. De confessione, absolutione et clavibus. De prava Ministrorum vita. De Methodo Reformationis christiana. Ingratam sane multis Ecclesiae Lutheranae Ministris operam locavit Autor, Academiarum hostis, jam in Pietismum, jam in Anabaptismum inclinans, in Doctrina Coenae Calvinianus. Est et, ubi Fanaticum dicas. An in lucem alicubi eluctatus, aut productus fuerit, nescio.

DCXXXVIII.

R. 973 Codex chartaceus lat. Sec. XVIII. Folior. 27. f. maj. nitide sane, sed mendoza scriptus Titulum praefert: *De Sacroando Trinitatis Mysterio Lacinia Contra Socinianos. Admonitiones Quaedam Seu Prolegomena Huic Posteriori Editioni Addita, Adversus Recentes Ariomanitas, sive instaura-*

tores Errorum Arii Hærestarchæ. Varia hic notanda. Pertinere hanc *Laciniam* ad doctum Card. Josephum Saenz de Aguirre Hispanum ex Ord. S. B. Titulum usque ad τὸ *Admonitiones* novum esse; reliqua jam extare T. II. *Theologiae S. Anselmi* ab hoc Viro secundis curis edito *Romae* a. 1689. Quid igitur est? Tertiam moliebatur hujus *Theologiae* Editionem aetate jam proiectus *Aguirrius Romae*, ubi etiam a. 1699. occubuit. Colligitur id ex Operum ejus recensu, de quo postea, ubi, postquam dixisset, Opus hoc III. Tomis prodivisse primum *Salmanticae* 1679—85. dein *Romae* 1689—91. addit: *Tomi prædicti denuo Romæ in lucem exeunt &c.* Novae igitur huic Editioni parabatur *Laciniæ nostra*, quae quidem, ut jam innui, *Prolegomena* Tomi II. continet; verum multis locis longius producta. Neque gravabor enumerare accessiones: *Proleg.* I. n. 4. 6. 11. 21. *Proleg.* II. n. 27. 34. *Proleg.* III. n. 39. 41. *Proleg.* IV. n. 43. 45. 46. 48. 52. Post n. 56. duo *Numeri* novi inserti sunt, quaedam item medio *Numeri ult.* infarcta. Atque, ut specimen accessionum proferam, *Proleg.* I. n. 4. haec adduntur: *Jurieum nihil moror, adhuc novaturientem, et delirantem, post tot laudati Episcopi Meldensis aliorumque correlative et concludentes impugnationes. Memor enim sum verborum Apostoli ad Titum C. 3. v. 1.* Haereticum hominem post unam et secundam correptionem devitasciens quia subversus est, qui ejusmodi